

**«ՎԱՐԴԱՆԱՆՔ» ԿՐԹԱՀԱՄԱԼԻՐ**

**ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ** Խաղը ն/դ տարիքում, խաղի տեսակները

*Կատարող՝ Նվարդ Դովլաթյան*

*Ղեկավար՝ Կ. Գևորգյան*

**Երևան 2022**

# ԲՈՎԱՆԴԱԿՈՒԹՅՈՒՆ

**ՆԵՐԱԾՈՒԹՅՈՒՆ.....3**

## **ԳԼՈՒԽ 1. ԽԱՂԻ ՀՈԳԵԲԱՆԱԿԱՆ ՀԻՄՔԵՐԸ**

**1.1. Խաղային գործունեության հիմնական առանձնահատկությունները.....4**

**1.2. Խաղի կարևորությունը երեխայի հոգեկան զարգացման և անհատականության ձևավորման գործում.....5**

## **ԳԼՈՒԽ 2. ԺԱՄԱՆԱԿԱԿԻՑ ՆԱԽԱԴՊՐՈՑԱԿԱՆ ՄԱՆԿԱՎԱՐԺՈՒԹՅԱՆ ԿՈՂՄԻՑ ԱՌԱՋԱՐԿՎԱԾ ԽԱՂԵՐԻ ԴԱՄԱԿԱՐԳՄԱՆ ԵՂԱՆԱԿՆԵՐԸ**

**2.1. Երեխաների դաստիարակության և ուսուցման մեջ կիրառվող խաղերի տեսակները.....7**

**2.2. Արհեստական կավի օգտագործումը խաղային թերապիայի մեջ.....11**

**2.3. Սյուժետադերային խաղերի առանձնահատկությունները ըստ՝ Գ.Բ.Էլկոնինի.....12**

## **ԳԼՈՒԽ 3. ՄՈՆՏԵՍՈՐԻԻ ՄԱՆԿԱՎԱՐԺՈՒԹՅՈՒՆԸ**

**3.1. Դիդակտիկ խաղերին բնորոշ առանձնահատկությունները.....14**

**3.2. Ամենօրյա պրակտիկ կյանքի համար նախատեսված նյութերի օրինակներ ըստ՝ Մ. Մոնտեսորիի.....17**

**ԵԶՐԱԿԱՑՈՒԹՅՈՒՆ.....19**

**ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ.....20**

## ՆԵՐԱՇՈՒԹՅՈՒՆ

Խաղը՝ որպես նախադպրոցականի առաջատար գործունեություն, երեխայի զարգացման ու դաստիարակության լավագույն միջոցն է: Խաղի դերն ու նշանակությունը դիտում են որպես երեխայի համակողմանի զարգացման, ինքնահաստատման կարևորագույն միջոց:

**Թեմայի արդիականությունը:** Խաղը ոչ միայն երեխային զարգացնում է համակողմանի, այլ նաև զարգացնում է երեխայի հոգեկան գործընթացները, ուստի մանկապարտեզներում, դպրոցներում, մանկական զարգացման կենտրոններում կիրառելի են բազմաբնույթ խաղեր, որոնց պատրաստումը և կիրառումը, դաստիարակների, մանկավարժների պատրաստվածությունն այս թեմայով հրատապ է և կարևոր, քանի որ այն նպաստում է անձի զարգացմանը, շփման հմտությունների ձևավորմանը, լարվածության թուլացմանը, սոցիալական դերերի յուրացմանը, երեխաների ուսումնական գործունեության արդյունավետության բարձրացմանը:

**Աշխատանքի նպատակն է** տեսական և գործնական գրականության միջոցով կազմել գործնական պարապմունքների համար նախատեսված խաղեր, վերլուծելով նրանց ազդեցությունը ն/դ տարիքի երեխաների անհատական զարգացման վրա:

Խաղային գործունեության մանկավարժական նշանակությունը երեխաների կյանքում կարևորել են՝ Ա. Կոմենսկին, Ժ. Ռուսոն, Ֆ. Ֆրյոբելը մանկավարժներ Իս. Աբովյանը, Ղ. Աղայանը, Հ. Թումանյանը և այլն: Իս. Աբովյանը մանկավարժներին հորդորում էր «զրկել երեխային անմեղ խաղերից»: Հ. Թումանյանը գտնում էր, որ խաղը երեխայի բնական օրգանական պահանջն է, նրա էությունը: Համաձայն Ֆրոյդի տեսության՝ խաղը մարդուն բնորոշ գործունեությունն է՝ պայմանավորված նրա հոգեկանի զարգացմամբ:

## **ԳԼՈՒԽ 1. ԽԱՂԻ ՀՈԳԵԲԱՆԱԿԱՆ ՀԻՄՔԵՐԸ**

### **1.1. Խաղային գործունեության հիմնական առանձնահատկությունները**

- ❖ Խաղային գործունեության ընթացքում բավարարվում են նախադպրոցականի հիմնական պահանջմունքները՝ ակտիվության և ինքնուրույնության, հաղորդակցման և մեծահասակների կյանքին անմիջականորեն հաղորդակից լինելու, արտաքին աշխարհը ճանաչելու և այն արտացոլելու:
- ❖ Խաղային գործունեության ընթացքում բնականոն ճանապարհով զարգանում են երեխայի հոգեկան գործընթացները, ձևավորվում են նորագոյացություններ, որոնք նախապատրաստում և ապահովում են երեխայի հոգեկանի զարգացման հաջորդ փուլը:
- ❖ Երեխայի խաղն իր զարգացման ընթացքում ձեռք է բերում աշխատանքային և ուսումնական գործունեությանը բնորոշ կառուցվածքային տարրեր՝ նպատակ, պլանավորում, արդյունք, որոնք, ձևավորվելով խաղային գործունեության ընթացքում, տեղափոխվում են գործունեության այլ ձևեր:
- ❖ Խաղային գործունեությունը բնական գործունեություն է, ուր չկա ճնշում և հարկադրանք, առկա է երեխաների համար բնական միջավայր: Խաղի ընթացքում երեխաներն ազատ են և ինքնուրույն, ունեն հավասար իրավունքներ և ինքնադրսևորման լայն հնարավորություններ:
- ❖ Խաղը ստեղծագործական գործունեություն է, քանի որ այն նպաստում է յուրաքանչյուր խաղացող երեխայի անհատական առանձնահատկությունների բացահայտմանը և կրեատիվ (ստեղծագործական) ընդունակությունների զարգացմանը: Խաղի ընթացքում երեխան փորձում է ինքնահաստատվել և բնականաբար ջանում է առավելագույնս դրսևորել իր բոլոր հակումներն ու կարողությունները: Խաղը նաև երեխայի ընդունակությունների և կարողությունների ախտորոշման արդյունավետ միջոց է:
- ❖ Խաղը աշխարհանաչման և աշխարհի արտացոլման եղանակ է, իմացական գործունեություն: Խաղային գործունեության ընթացքում ձեռքբերած գիտելիքները կրկնակի արժեքավոր են և խաղի ընթացքում ձեռքբերած գիտելիքները չափազանց կայուն են:
- ❖ Խաղային գործունեությունն իր բնույթով ուղղված է նախադպրոցականի հուզականային ոլորտի զարգացմանը, հետևաբար և հիմնաբար անձնային որակների ձևավորմանը [8]:

## **1.2. Խաղի կարևորությունը երեխայի հոգեկան զարգացման և անհատականության ձևավորման գործում**

Յուրաքանչյուր երեխայի կյանքում խաղը չափազանց կարևոր նշանակություն ունի, այն մեծապես ազդում է երեխայի մոտիվացիոն-պահանջմունքային ոլորտի վրա, նպաստում է երեխայի կամային հատկանիշների ձևավորմանը, զարգացնում է մտավոր ոլորտը և այլն: Կարևոր է նաև այն, որ խաղի շնորհիվ երեխան յուրացնում է բարոյական նորմեր մի քանի առումներով.

- Խոսքային առումով՝ ինչ չի կարելի ասել, ինչ է կարելի
- Խաղային իրավիճակների հետ կապված՝ ինչ չի կարելի անել [3, էջ 6]:

Հարկ է նշել, որ խաղաթերապիան և խաղի նշանակությանը առհասարակ մեծ տեղ են տվել՝ Դ. Էլկոնինը, Լ. Վիգոտսկին և Ա. Լեոնտևը: Էլկոնինի կարծիքով խաղի հիմքում ընկած են մարդկային հարաբերությունները, ինչն արդեն իսկ խոսում է այն մասին, որ այն կարող է թերապևտիկ նշանակություն ունենալ [3, էջ 7]:

Խաղը մարդուն ուղեկցել է նրա պատմական զարգացման բոլոր փուլերում: Այն եղել է ոչ միայն որպես զվարճալի զբաղմունք, այլև կյանքի տարբեր հարաբերություններում գործելու համար անհրաժեշտ կարողությունների ձևավորման միջոց: Խաղերի բազմազանությունը տարբեր բնույթի արգելքներ է ստեղծում նպատակին հասնելու՝ հաղթելու ճանապարհին: Այդ արգելքները հաղթահարելու ժամանակ, յուրաքանչյուր երեխա դրսևորում է ինքնատիպ վարք՝ ուժ, ճարպկություն, հնարամտություն, խելք, գիտելիքներ, կռահում և այլն: Հենց այդ արգելքների հաղթահարման գործընթացն էլ նպաստում է երեխաների ըմբռնողականության, ուշադրության, հիշողության, կամքի, դիտողունակության, մտածողության, երևակայության զարգացմանը, միջանձնային հարաբերությունների կարգավորմանը, այդ ուղղությամբ արժեքավոր ունակությունների ձևավորմանը [1]:

Հայտնի է, որ երեխայի զարգացման ցուցանիշներից մեկն ինքնուրույն ճանաչողական գործունեություն ծավալելու կարողությունն է: Այն նպաստում է ապագայում առանց դժվարությունների ցանկացած իրավիճակներում կողմնորոշվելուն, ձեռքբերածը փոփոխվող պայմաններում կիրառելուն: Բացառիկ ազդեցություն է ունենում նաև այն միջավայրը, ուր գտնվում է երեխան, և ուր նա իրեն դրսևորում է որպես ազատ, ինքնուրույն անձ՝ համագործակցելով այդ միջավայրի հետ: Այսպիսի գործունեության ծավալման ամենաարդյունավետ միջոցը խաղն է: Խաղի ժամանակ երեխաների առջև

բացվում են անձի ստեղծագործական ընդունակությունները: Առանց դրանց չկա և չի կարող լինել լիարժեք մտավոր զարգացում: Երեխայի հոգեկան աշխարհը լիարժեք է միայն այն ժամանակ, երբ նա ապրում է խաղերի, հեքիաթների, երաժշտության, երևակայության ու ստեղծագործական աշխարհում [1]:






Նախադպրոցական ուսումնական հաստատություններում կիրառվում են ինչպես ուղղորդված, այնպես էլ ստեղծագործական խաղերը: Ուղղորդված խաղերը առաջարկվում, կազմակերպվում և անցկացվում են մանկավարժի կողմից: Դրանք ունենում են հստակ կանոններ, պայմաններ ու պարագաներ: Ստեղծագործական խաղը չի ունենում խաղավար և կանոններ: Իտալի առաջին տեսակը լայնորեն կիրառվում է բազմազան պարապմունքների ժամանակ, իսկ երկրորդը՝ ազատ խաղի ժամերին, այդ թվում՝ բացօթյա [5, էջ 4]:

Մոցիալական տեսակետից խաղը զարգացնելու նպատակով կարելի է խթանել երեխաների՝ միմյանց հետ խաղալու, հարաբերվելու, համագործակցելու ունակությունների զարգացումը: Այս մոտեցումը արդյունավետորեն կիրառվում է սյուժետադերային խաղերի, խաղ-բեմականացումների ժամանակ: Երկրորդի դեպքում երեխաները ստանձնում են դերեր ու, բեմականացնելով այս կամ այն ստեղծագործությունը, համագործակցում, շփվում ու հարաբերվում են: Առաջինի ժամանակ երեխաներն ավելի ազատ են հորինելու և ստեղծագործելու տեսակետից: Նրանք վերարտադրում են շրջապատի անցուդարձը, դերերը և կրկին համագործակցում. տեղի են ունենում շփում և հաղորդակցում: Մոցիալական շփումը կարելի է զարգացնել նաև այլ միջոցներով, օրինակ՝ ապլիկացիայի ժամանակ, խորանարդիկներով խաղալիս, նկարելիս կարելի է առաջարկել, որ միմյանց օգնեն գույներն ընտրել, մատիտ սրել և այլն: Դրսում ավագով խաղալիս կարելի է առաջարկել, որ միասին պատրաստեն որևէ շինություն: Բառապաշարի հարստացմանը նպաստում են սեղանի դիդակտիկ խաղերը՝ նկարներով դոմինոներ, լոտոներ, զարգացնող և այլ խաղեր [5, էջ 6-7]:

## **ԳԼՈՒԽ 2. ԺԱՄԱՆԱԿԱԿԻՑ ՆԱԽԱԴՊՐՈՑԱԿԱՆ ՄԱՆԿԱՎԱՐԺՈՒԹՅԱՆ ԿՈՂՄԻՑ ԱՌԱՋԱՐԿՎԱԾ ԽԱՂԵՐԻ ԴԱՍԱԿԱՐԳՄԱՆ ԵՂԱՆԱԿՆԵՐԸ**

### **2.1. Երեխաների դաստիարակության և ուսուցման մեջ կիրառվող խաղերի տեսակները**

*Խաղի տեսակները սոցիալական տեսակետից*

-  0-2 տարեկան- միայնակ խաղ
-  2-2,5 տարեկան- հետևող խաղ
-  2,5-3 տարեկան- զուգահեռ խաղացող
-  3-4 տարեկան- հարաբերվող խաղ
-  4-6 տարեկան- համագործակցող խաղ

0-2 տարեկան երեխան միայնակ է խաղում: 2-2,5 տարեկանում երեխան հետաքրքրվում է շրջապատում խաղացող երեխաների խաղով, հետևում է նրանց, բայց խաղին չի միանում: 2,5-3 տարեկան երեխան խաղում է հասակակիցների կողքին, բայց՝ ոչ նրանց հետ: 3-4 տարեկան երեխան խաղում է հասակակիցների հետ՝ հարաբերվելով ու դերեր ստանձնելով: Այս տարիքում երեխան սկսում է ունենալ նախընտրելի խաղընկեր: 4-6 տարեկանում երեխան խաղում է՝ համագործակցելով ու դրսևորելով փոխօգնություն: Սա առավել ցայտուն է արտահայտվում ստեղծագործական խաղերի ժամանակ, օրինակ՝ ավագով խաղալիս [5, էջ 5]:

Տարիքային նորմերը իմանալը օգնում է մանկավարժին՝ երեխայի խաղը դիտարկելիս ենթադրություններ անելու նրա սոցիալական զարգացման վերաբերյալ: Օրինակ՝ եթե 5 տարեկան երեխան հասակակիցների կողքին է խաղում, ոչ թե նրանց հետ, խաղի ընթացքում չի դրսևորում համագործակցություն, ապա ամենայն հավանականությամբ, նա իր սոցիալական զարգացմամբ ու հաղորդակցմամբ համապատասխանում է 2,5-3 տարեկանին: Սա ազդակ է մանկավարժի համար՝ զրուցելու ծնողների հետ ու դիմելու մասնագետների խորհրդատվությանը [5, էջ 5-6]:

Խորհրդային մանկավարժության ներկայացուցիչները դասակարգում են խաղի խմբերն ըստ բնույթի, բաժանելով դրանք երկու խմբի՝ **ստեղծագործական** և **կանոնով**: **Ստեղծագործական խաղերը** բնորոշվում են ստեղծագործական բնույթով և ներքին «թաքնված» կանոններով: **Կանոնով խաղերի** բովանդակությունը նախապես մշակվում է և սահմանափակվում մեծահասակների կողմից հստակ կանոններով: Բնույթով դրանք ուսուցանող և զարգացնող են [8]:

**Ստեղծագործական խաղերի** բովանդակությունը կառուցվում է խաղացող երեխաների կողմից, այն ստեղծագործական բնույթի է: Ստեղծագործական խաղերում արտացոլվում են երեխաների տպավորություններն ու պատկերացումները արտաքին աշխարհի հանդեպ, ինքնուրույնության և ակտիվության մղումները, դրսևորվում են «ազատության աստիճանները», ցանկությունները, նախասիրություններն ու հետաքրքրությունները: Խաղի սյուժեն ընտրվում է խաղացող երեխաների կողմից և դրա հիման վրա կառուցվում է խաղի բովանդակությունը: Երեխաների խաղային մտահղացումն իրականացվում է դերային փոխակերպման եղանակով: Ստեղծագործական խաղերը նպաստում են սոցիալական դերերի յուրացմանը, սոցիալական փորձի ձեռքբերմանը և սոցիալական հարաբերությունների հաստատմանը: Ինքնուրույն եղանակով յուրացված սոցիալական փորձը վստահություն է ներշնչում աշխարհի և սեփական «ես»-ի հանդեպ և օգնում երեխային ինքնահաստատվելու հասակակիցների միջավայրում [8, 4 էջ 463-468]:

Խաղերի երկրորդ խումբն են կազմում **կանոնով խաղերը**, որոնք հատուկ կազմակերպվում են մեծահասակների կողմից երեխաներին ուսուցանելու, դաստիարակելու և զարգացնելու նպատակով: Այս խմբին են պատկանում դիդակտիկ խաղերը, շարժողական խաղերը և տարբեր բնույթի զարգացնող խաղեր: Կանոնով խաղերը մշակվել են ժողովրդական խաղերի հիման վրա, դրանք ունեն հստակ մանկավարժական ուղղվածություն: Կանոնով խաղերի բովանդակությունը նախապես մշակվում և պատրաստի ձևով ներկայացվում է երեխաներին: Խաղի բովանդակությունը միտումնավոր սահմանափակվում է կանոններով, որոնք կարգավորում և նպատակաուղղում են երեխաների խաղային գործողությունները: Կանոնով խաղերի բացառիկ նշանակությունը նախադպրոցականի ներդաշնակ զարգացման գործում առանձնահատուկ կարևորվել է Դ.Բ.Էլկոնինի կողմից: Կանոնով խաղերը ուսուցանում են և դաստիարակում, կրթում են և զարգացնում, նպաստում են ինքնագնահատմանը և փոխգնահատմանը [8, 4 էջ 463-468]:



Վերջին տարիներին խաղերի դասակարգման հետաքրքիր տարբերակ է առաջարկել ռուս մանկավարժ Ս.Լ.Նովոյոլովան, որի հիմքում ընկած է խաղային գործունեության նախաձեռնությունը: Հեղինակն առանձնացնում է խաղերի երեք խումբ.

- ✓ Խաղեր, որոնց նախաձեռնողը երեխաներն են, դրանք ինքնուրույն և ստեղծագործական բնույթի խաղեր են: Օրինակ, սյուժետադերային խաղերը, խաղթատերացումները, խաղ-փորձարկումները,
- ✓ Խաղեր, որոնց նախաձեռնողը մեծահասակներն են, դրանք ունեն ընդգծված մանկավարժական ուղղվածություն: Օրինակ, ուսուցանող և ինտելեկտուալ խաղերը, շարժախաղերը, խաղ-զվարճանքները,
- ✓ Ժողովրդական խաղեր, որոնք ավանդաբար փոխանցվում են սերնդեսերունդ [8]:

Ժամանակակից նախադարձական մանկավարժությունն ընդունելի է համարում Ս.Ա.Կոզլովայի, Տ.Ա.Կուլիկովայի կողմից առաջարկված խաղերի դասակարգման եղանակը, որի հիմքում ընկած է խորհրդային մանկավարժության մոտեցումը: Խաղային գործունեությունն իր բնույթով լինում է ստեղծագործական և նպատակաուղղված զարգացնող կամ կանոնով: Առաջին խմբին դասվում են

- ✓ Սյուժետա-դերային խաղերը,
- ✓ Խաղ-թատերացումները,
- ✓ Կառուցողական խաղերը,
- ✓ Ռեժիսորական խաղերը և խաղ-երևակայությունները [8]:

**Ռեժիսորական խաղը** ստեղծագործական բնույթի, ինքնուրույն խաղ է, որը շատ նման է սյուժետա-դերային խաղին: Ի տարբերություն սյուժետա-դերային խաղի, ռեժիսորական խաղն անհատական գործունեություն է և ունի ընդամենը մեկ դերակատար: Ռեժիսորական խաղը միանձնյա խաղ է, քանի որ մյուս «մասնակիցները» անշունչ առարկաներ են՝ խաղալիքներ, տարբեր իրեր, փոխարինող առարկաներ: Այն հնարավորություն է տալիս խաղացող երեխային միանձնյա ղեկավարելու, որոշելու բոլորի փոխարեն և գործելու սեփական նախասիրություններից, հետաքրքրություններից և կարողություններից ելնելով [8]:

**Խաղ-թատերացումների** միջոցով երեխան փորձում է վերարտադրել իր երազած աշխարհը, աշխարհի այն կատարյալ պատկերը, որին նա ներքուստ ձգտում է, նմանվելով հեքիաթային հերոսներին և առասպելական կերպարներին: Խաղ-թատերացումներում երեխայի կողմից օգտագործվում են բոլոր արտահայտչական միջոցները՝ կերպարային կեցվածքը, արտահայտիչ խոսքն իր բոլոր նրբերանգներով, դիմախաղը, շարժումները,

բեմական հագուստը: Խաղ-թատերացումների հիմքում ընկած է մանկական գեղարվեստական ստեղծագործությունների բովանդակությունը, բազմադարյա հարուստ փորձը՝ ներկայացված հերոսական կերպարներով և լավատեսական վերլուծությամբ ու վերջաբանով: Գեղարվեստական գրականության լավագույն տարբերակը հեքիաթն է, որի բովանդակությունը երեխաները գերագույն հաճույքով են ներկայացնում խաղ-թատերացումներում [8]:

Այսօր, նախադպրոցական հաստատություններում, ցավոք, գերակշռում են խաղ-բեմականացումները, որոնց ընթացքում երեխաներն արտացոլում են այն հերոսներին, որոնք ընկալվում են նրանց կողմից աուդիո-վիզուալ ճանապարհով՝ հեռուստատեսության, ռադիոյի կամ տեսաֆիլմերի միջոցով: Այս դեպքում երեխաներն, ընդամենը, վերարտադրում են իրենց տեսածն ու լսածը: Խաղ-թատերացումները ենթադրում են վերլուծական աշխատանք հեքիաթի պարտադիր ընթերցանության և հաջորդիվ քննարկումների և գնահատումների արդյունքում: Խաղ-թատերացումների և սյուժետադերային խաղերի միջև կան ընդհանուր գծեր, հետևաբար դրանք կարող են հաջորդել միմյանց: Օրինակ, «Կարմիր գլխարկ» խաղթատերացումը ցանկություն կարող է առաջացնել ծավալելու «Թատրոն» սյուժետադերային խաղը [8]:

**Շինարարա-կառուցողական խաղերին** բնորոշ առանձնահատկություններն են.

- Շինարարա-կառուցողական խաղերի բովանդակությունը պայմանավորված է կառուցելու, ստեղծելու ցանկությամբ,
- Շինարարա-կառուցողական խաղերն իրենց բնույթով ինքնուրույն են և նպատակաուղղված, խաղի դրդապատճառը արդյունքն է: Երեխան սկսում է կառուցել, հստակ պատկերացնելով, թե ինչ՞ է ուզում կառուցել և ինչպիսին պիտի լինի այդ կառույցը:
- Շինարարա-կառուցողական խաղերի ստեղծագործական բնույթը բխում է կառուցելու ընթացքում հորինելու և երևակայելու լայն հնարավորություններից:
- Շինարարա-կառուցողական խաղերի կարևորագույն բաղադրամասը շինանյութն է, որի բազմազանությամբ է պայմանավորված խաղի մտահղացումն ու ընթացքի արդյունավետությունը: Նախադպրոցական տարիքում օգտագործվող շինանյութը պայմանական բաժանվում է երեք տեսակի՝ **բնական** (ջուր, ձյուն, սառույց, ավազ, հող, քար, փայտ և այլ), **օժանդակ** (տուփեր, պարկեր, աթոռներ, սեղան, ստվարաթուղթ և այլ) և **հատուկ** ստեղծված ու արտադրված երեխաների համար (խաղալիք-շինանյութ, կոնստրուկտորներ, խճանկարներ, փազլներ և այլ) [8]:

## 2.2. Արհեստական կավի օգտագործումը խաղային թերապիայի մեջ

Марта Янг (Martha D. Young)

Խաղային թերապիայում արհեստական կավի օգտագործումը մեծ ներուժ ունի: Այս նյութը շատ պլաստիկ է, չի կարծրացնում, չի քանդվում և ունի յուղային հիմք, ինչը հեշտացնում է այն հեռացնել փայտե մակերևույթներից՝ օգտագործելով սովորական մաքրման լուծույթներ: Երեքից տասնմեկ տարեկան հասակ ունեցող երեխաները տարբեր պատճառներով հաճույք են ստանում աշխատել այս նյութի հետ: Նախ և առաջ հաճելի է շփումը: Երկրորդ, դրանից ցանկացած բան կարելի է ձևավորել, և ստեղծված ձևերը կարելի է հեշտությամբ փոխել կամ մանրացնել, եթե երեխան դա ցանկանա: Այս նյութի հետ գործ ունենալիս երեխաները, որոնցից շատերը հատկապես ոգևորությամբ են աշխատում, կարող են արտահայտել իրենց զգացմունքները: Ստեղծված գործերի քննարկումը, որպես կանոն, երեխայի մեջ բացասական ռեակցիաներ չի առաջացնում: Արհեստական կավով աշխատելը շատ պարզ է, բայց արդյունավետ:

**Տեխնիկայի նկարագրություն՝** Ամեն անգամ երեխային առաջարկվում է ընտրել ցանկացած մեկ գույնի կավ՝ գունային խառնուրդը կանխելու համար: Նրան ներկայացվում են փոքր շարժակազմի քորոց և գրենական պիտույք՝ դանակ: Որոշ այցելուներ խնդրում են տալ խոհարարական կաղապարներ, բայց ցանկալի չէ անել, որպեսզի խրախուսենք նրանց ինքնուրույնությունը: Երբեմն երեխաները, կավ օգտագործելով, ընդօրինակում են որոշակի կերակուրներ, իսկ հետո պատկերում են ճաշը կամ թեյը, մյուսները, պարզապես զանազան մանիպուլյացիաներ են կատարում նյութի հետ:

**Լուծումներ առաջարկություններ օգտագործման համար՝** Տարբեր խնդիրներ ունեցող երեխաներ բավականին լավ են օգտագործում այս նյութը: Օրինակ՝ կարելի է դա օգտագործել հիպերակտիվ երեխաների հետ աշխատանքում, վարքագծային շեղումներով և դեպրեսիաներով երեխաների հետ: Հոգեբանները այս նյութը, իրենց պրակտիկայում օգտագործել են ութամյա շատ արագաշարժ տղայի հետ, որը հակված էր բուռն բողոքների, արձագանքների դպրոցում և տանը: Նա գլորեց կավե երկու գնդիկ, որոնցից պատրաստեց մարդկային կերպարներ: Նրանց տարբեր ձեռքերով պահելով՝ նա ընդօրինակեց նրանց միջև մահացու պայքար: Մի քանի «կռիվների» ժամանակ, փոքրիկ մարդը նիզակով խոցեց ևս մեկին: Տղան խաղից մեծ հաճույք ստացավ և մեկնաբանեց կերպարների գործողությունները: Դասի վերջում նա շատ ավելի հանգիստ էր, քան սկզբում [9, էջ 157-158]:

### **2.3. Սյուժետադերային խաղերի առանձնահատկությունները ըստ՝ Գ.Բ.Էլկոնինի**

Սյուժետադերային խաղերը այն խաղերն են, որոնց ընթացքում լավագույնս մանկավարժական արժեքը դրսևորվում են նախադարձականի ազատության և ինքնուրույնության ձգտումները, ստեղծագործելու ցանկությունն ու կարողությունները, ուր կան լայն հնարավորություններ արտացոլելու սեփական տպավորություններն ու պատկերացումները, կարծիքն ու վերաբերմունքը: Սյուժետադերային խաղերն իրենց բնույթով ստեղծագործական են: Երեխան սյուժետադերային խաղերում արտացոլում է ոչ միայն առանձին տպավորություններ կամ պատկերացումներ, այլև տարբեր իրադրություններ, անձնական փորձից փոքրիկ դրվագներ կամ հասարակական երևույթներ [8]:

Սյուժետադերային խաղի նպատակն ու արդյունքը երևակայական են, սակայն երեխայի կողմից ընկալվում են ամենայն լրջությամբ և պահանջում նրանից բավական ջանքեր: Խաղի նպատակին հասնելու համար նախադարձականը փորձում է լուծել բարդ՝ իրական կյանքում անլուծելի խնդիրներ, ինչը հնարավոր է երևակայական իրավիճակի և երևակայական կերպարների ստեղծման միջոցով: Խաղի ընթացքում նա փորձում է հորինել և ստեղծագործել: Խաղային մտահղացման ազատ և ինքնուրույն դրսևորման համար երեխայից պահանջվում է հիշողության, խոսքի, մտածողության և երևակայության լարված և ակտիվ աշխատանք: Սյուժետադերային խաղերն իրենց բնույթով հուզական են, հագեցած են դրական հույզերով և լիցքերով [8]:

Սյուժետադերային խաղերի առանձնահատկությունները մանրամասն ուսումնասիրվել են Գ.Բ.Էլկոնինի, Ռ.Ի.Ժուկովսկայայի, Ա.Պ.Ուսովայի կողմից, որոնք իրենց հետազոտությունների արդյունքում առանձնացնում են սյուժետադերային խաղերի հիմնական կառուցվածքային տարրերը և առաջարկում խաղի բաղադրատարրերի ձևավորման մանկավարժական համապատասխան պայմաններ: Ն.Ա.Կորոտկովան և Ն.Յ.Միխայլենկոն հատուկ կարևորում են սյուժետադերային խաղերի ղեկավարման ժամանակակից մոտեցումների կիրառման անհրաժեշտությունը: Եթե սյուժետադերային խաղերի ավանդական ղեկավարման պայմաններում հիմնական շեշտը դրվում է խաղերի բովանդակության հարստացման վրա, ապա ժամանակակից եղանակները ընդգծում են խաղի ընթացքում սյուժեի ուղղվածության փոփոխման դերը այն ավելի հետաքրքիր դարձնելու նպատակով: Աննշան միջամտությունը մանկավարժի կողմից կարող է բոլորովին փոխել խաղի ընթացքը և կրկնակի հետաքրքրություն առաջացնել խաղը նորովի կառուցելու հանդեպ [8]:

Ըստ Գ.Բ.Էլկոնինի սյուժետադերային խաղերի բովանդակությունը մեծահասակների կենցաղային, հասարակական կամ աշխատանքային գործունեության և հարաբերությունների այն էական կողմերն են, որոնք երեխաների տեսանկյունից բնորոշում են նշված գործունեության տեսակները, ընկալվում են որպես գլխավոր գերակայող կողմեր.

- Կրտսեր նախադպրոցականի սյուժետադերային խաղերի առանձնահատկությունները պայմանավորված են նրա հոգեկանի զարգացման աստիճանով և սոցիալական փորձի աղքատությամբ, սակավությամբ:
- Միջին նախադպրոցական տարիքում ընդլայնվում են երեխաների պատկերացումները մեծահասակի կյանքի և գործունեության մասին, զգալի հարստանում է սոցիալական փորձը, զարգանում են հոգեկան գործընթացները, արդյունքում՝ սյուժետադերային խաղերում պատկերվում են փոխկապված իրադարձություններ և կառուցվում է ամբողջական սյուժե:
- Ավագ նախադպրոցական տարիքում երեխաների կողմից պլանավորվում և համատեղ քննարկվում է խաղի բովանդակությունը, այն կառուցվում է նախապես ընտրված սյուժեի հիման վրա: Սյուժեն ձեռք է բերում հասարակական ուղղվածություն, այսինքն, երեխաներին սկսում են առավել հետաքրքրել մարդկային հարաբերությունները, կյանքում հանդիպող տարբեր իրադրություններում դրսևորվող հասարակական փոխհարաբերությունները: Սյուժեն կառուցվում է ընդհանրացված խաղային իրավիճակի խաղարկման միջոցով, որն ենթադրում է պայմանական և սիմվոլիկ գործողությունների կիրառում: Խաղի բովանդակության ծավալման ընթացքում հաճախ պահանջվում են դերային փոխակերպումներ, սյուժեի ուղղվածության փոփոխություններ և կազմակերպչական այլ հարցերի որոշումներ, որոնք բարձրաձայն քննարկվում և մեկնաբանվում են [8]:

Սյուժետադերային խաղերի հոգեբանամանկավարժական իմաստը բազմազան սոցիալական դերերի յուրացումն է ու սոցիալական հմտությունների ձեռքբերումը: Դերը երեխայի սոցիալական դիրքորոշման դրսևորումն է խաղային իրողության մեջ: Դերերի միջոցով երեխաները նույնացվում են իրենց սյուժեի կերպարներին և փորձում արտացոլել կերպարին բնորոշ գործառույթները և հարաբերությունները [8]:

### **ԳԼՈՒԽ 3. ՄՈՆՏԵՍՈՐԻՒ ՄԱՆԿԱՎԱՐԺՈՒԹՅՈՒՆԸ**

#### **3.1. Դիդակտիկ խաղերին բնորոշ առանձնահատկությունները**

Նախադպրոցական մանկավարժության զարգացման ընթացքում հատուկ ուշադրության են արժանացել Ֆ.Ֆրյոբելի, Մ.Մոնտեսորիի և Ե.Տիխենայի դիդակտիկ խաղերի համակարգերը, որոնք արժանացել են համաշխարհային գնահատման և կիրառելի են առ այսօր.

- **Ֆ.Ֆրյոբելի** դիդակտիկ խաղերի համակարգի առավելությունը նրանում է, որ դիդակտիկ խաղերը ենթադրում են վեց տեսակի երկրաչափական ձևերի կիրառում և ուղեկցվում են երաժշտությամբ, երգերով ու ոտանավորներով:
- **Մ.Մոնտեսորիի** դիդակտիկ խաղերի համակարգը տարբերվում է խիստ նպատակաուղղված և կազմակերպված բնույթով: Ըստ Մ.Մոնտեսորիի, այն խաղը, որն ուսուցանող չէ՝ «դատարկ խաղ է»: Մ.Մոնտեսորիի դիդակտիկ խաղ-պարապմունքները նպատակաուղղված զարգացնում են նախադպրոցականների զգայական գործառույթները և մտածողությունը, նպաստում ինքնազարգացմանը և ինքնուրույնությանը աշխարհնանաչման գործընթացում:
- Հետաքրքիր է նաև **Ե.Ի.Տիխենայի** դիդակտիկ խաղերի համակարգը՝ կառուցված երեխաների հետաքրքրությունների, իմացական ակտիվության և ինքնուրույնության հիման վրա: Դիդակտիկ խաղերի բովանդակությունը կառուցվում է ոչ միայն դիդակտիկ պարագաների շուրջ, այլև բնության և հասարակության, հարուստ մանկավարժական փորձի լայն օգտագործմամբ [8]:

#### **Դիդակտիկ խաղերին բնորոշ են հետևյալ առանձնահատկությունները.**

- Դիդակտիկ խաղերն ունեն ուսուցանող հստակ նպատակ և խնդիրներ,
- Դիդակտիկ խաղերը զարգացնող և դաստիարակող բնույթի են, ուսուցման խնդիրների հետ միատեղ լուծվում են երեխայի դաստիարակության և զարգացման խնդիրները,
- Դիդակտիկ խաղերը նպատակաուղղված և կազմակերպված բնույթի են, ինչը հնարավորություն է տալիս պլանավորելու խաղային ուսուցման գործընթացը,
- Խաղային ուսուցման արդյունքները ենթակա են գնահատման և վերահսկման,

- Դիդակտիկ խաղերը նախադպրոցականի համար աշխարհնանաչման միջոց են [8]:

Դիդակտիկ խաղերի հիմնական առավելությունը նրանում է, որ դրանք հնարավորություն են տալիս երեխաներին ուսուցանվելու իրենց համար հետաքրքիր և ակտիվ գործունեության միջոցով: Երեխաներին դիդակտիկ խաղերի ընթացքում գրավում են ոչ այնքան խաղերի դիդակտիկ խնդիրները, որքան խաղին ակտիվ մասնակցելու, հասակակիցների հետ շփվելու, մրցելու և հաղթելու ցանկությունը: Դիդակտիկ խաղի ընթացքում ձեռքբերած գիտելիքներն ու կարողությունները կայուն են: Դիդակտիկ խաղերը դրդում են երեխաներին ինքնաուսուցման և նպաստում երեխաների ինքնուրույնության հաստատմանը և ինքնակազմակերպմանը: Դիդակտիկ խաղի յուրահատկությունները հիմք են տալիս մտածելու, որ դա նախադպրոցական տարիքի երեխաների ուսուցման կազմակերպման լավագույն ձևն է, նրանց դաստիարակության և զարգացման արդյունավետ միջոցը [8]:

Կյանքի առաջին տարիներին երեխան ունենում է շարժման բնական ձգտում: Նա ցանկանում է տակնուվրա անել իր շուրջ ամեն բան, որպեսզի ավելի լավ ծանոթանա իրեն շրջապատող առարկաների հետ և կարողանա իմաստավորված կերպով օգտագործել այդ ամենը: Նա գտնվում է շարժումների զարգացման սենզիտիվ՝ զգայուն փուլում: Սկզբում շարժումներն անփուլթ են, հաճախ աննպատակ և աններդաշնակ: Այդ իսկ պատճառով դաստիարակության գործընթացին անհրաժեշտ է կցել մոտոր ակտիվությանը նպաստող վարժանքներ: Առաջին գործողությունները, որոնք երեխան կյուրացնի, կդառնան վերահսկելի՝ նպատակաուղղված վարժությունների կատարման արդյունքում: Ծարժողական համակարգի զարգացումը կախված է երեխայի շարժումների անհատական տեմպից: Հստակ շարժումների ձևավորման համար անհրաժեշտ է ստեղծել նախապատրաստական միջավայր՝ հաշվի առնելով երեխայի շարժողական պահանջմունքները: Սարքավորումները, նյութերը, որոնք կկիրառվեն, իրենց մեծությամբ և հարմարավետությամբ պետք է համապատասխանեն երեխայի կարողություններին և տարիքին: Նման միջավայրում երեխային հարկավոր է առաջարել տարաբնույթ վարժություններ, որոնք կնպաստեն երեխայի շարժումների կատարելագործմանն ու դրանք կոորդինացնելու կարողության զարգացմանը: Վարժությունների համար անհրաժեշտ է ընտրել այնպիսի առարկաներ, որ երեխան հստակ հասկանա իր գործունեության նպատակը [11]:

Որոշ խմբային վարժություններ, ինչպես, օրինակ, զրույցները և դերային խաղերը, նպաստում են երեխայի կողմից սոցիալական վարքի ձևերի յուրացմանը, որի մեջ մտնում

են՝ ողջույնի, օգնություն ցուցաբերելու, հարգանք ցուցաբերելու, կոնֆլիկտները հարթելու կարողությունները և այլն: Մոնտեսսորին ընտրել է պրակտիկ վարժություններ կյանքից: Երեխայի գործունեությանը հետևում են մեծահասակները: Հետագայում նրա մոտ ձևավորվում է արժանապատվության և ինքնուրույնության զգացում, քանի որ այժմ կյանքի համար կարևոր գործունեության ձևերը կարողանում է կիրառել ինքնուրույն: Անկախության հետ մեկտեղ զարգանում է ինքնավստահությունը: Ամենօրյա պրակտիկ կյանքի համար նախատեսված նյութերը պետք է իրենց չափսերով, գույնով և հարմարավետությամբ համապատասխանեն երեխայի պահանջմունքներին և հնարավորություններին: Երեխաները հատկապես շատ են սիրում այն վարժությունները, որոնք հանդիպում են նաև իրենց տանը: Երեխայի համար նման գործունեությունը ինքնանպատակ է դառնում՝ նա սկսում է մաքրել, քանի որ ցանկանում է՝ չանկնալելով որևէ ուղիղ արդյունք: Ավելի մեծ տարիքի երեխայի համար արդեն կարող է կարևորվել արդյունքը, քանի որ նա ուշադրություն է դարձնում այն հանգամանքին, որ իր շուրջը կարգուկանոն լինի: Արդյունքը լինում է այն, որ երեխան սկսում է վերահսկել իր վարքը և կենտրոնացվածությունը, նույնիսկ ավելի լավ, քան շատ մեծահասակներ: Նրա շարժումները դառնում են ավելի հարմոնիկ: Պետք է սովորենք անցկացնել պարապմունքները և վարժությունները դանդաղ, մանրամասն վերլուծեք դրանք այնպես, որպեսզի ձևավորված կառույցը հասկանալի լինի երեխայի համար: Երեխաները կտվորեն, օրինակ, հանվել և հագնվել: Դա բարդ գործընթաց է և դրա իրականացումը հեշտ չէ: Հենց այդ է պատճառը, որ հանվելու և հագնվելու համար երեխային ժամանակ է անհրաժեշտ, այնքան ժամանակ, որպեսզի նա կարողանա դա անել: Որքան անկախ լինի երեխան մեծահասակի օգնությունից, այնքան ավելի շատ ստեղծագործական ուժ կունենա հասարակության մեջ սեփական վարքը կառուցելու համար: Ընդհանուր առմամբ պրակտիկ կյանքի վարժություններն ընդհանրացնելով՝ կարելի է ասել հետևյալը՝

- Դրանք օգնում են երեխային գիտակից գործողություններ կատարել
- Կատարելագործում և ուղղորդում են վարքը
- Նպաստում են երեխայի՝ ծնողից կախվածության մակարդակի իջեցմանը, ինքնուրույնության մակարդակի բարձրացմանը՝ նպաստելով սեփական արժանապատվության և ինքնագնահատականի բարձրացմանը:
- Չարգացնում է պատասխանատվության զգացում
- Միառժամանակ ձևավորում են նաև ներքին հոգևոր կառույցները [11]:



### 3.2. Ամենօրյա պրակտիկ կյանքի համար նախատեսված նյութերի օրինակներ ըստ՝ Մ. Մոնտեսորիի

#### **Ջուրը լցնում ենք մի տարայից մյուսի մեջ**

**Նյութեր-** Սկուտեղ, թափանցիկ որևէ տարա, որի վրա գծեր կլինեն՝ ջրի քանակությունը որոշելու համար և այլ տարա, որի մեջ կկարողանանք դատարկել ջուրը, նաև կտոր:

**Նպատակը-** Շարժումների կոորդինացիայի զարգացում, արտաքին միջավայրում կողմնորոշվելու կարողության զարգացում:

**Տարիք-** Մոտ երեք տարեկան:

**Ինչպես աշխատել նյութի հետ-** Ջուրը լցված է տարայի մեջ, որևէ կոնկրետ չափաքանակով: Ջրով լի տարան և դատարկ տարան իրար կողք են դրված: Շատ կարևոր է, որ ամեն բան իր տեղում լինի երեխայի շուրջ: Ուսուցիչը վերցնում է տարան և դատարկում ջուրը մեկից մյուսի մեջ շատ դանդաղ՝ մինչ մյուս տարան կլցվի, այնուհետև դանդաղ դնում է տարան իր տեղը և կտորով մաքրում թափված ջրի կաթիլերը: Այնուհետև նորից դատարկում ջուրը նախկին տարայի մեջ:


Կարևոր է, որ ուսուցիչը վարժությունը դանդաղ կատարի: Այնուհետև ուսուցիչն առաջարկում է, որ երեխան ինքն ինքնուրույն կատարի վարժությունը [11]:

#### **Կոճակներով շրջանակներ**

**Նյութեր-** փայտե շրջանակներ տարբեր կապիչներով՝ կոճակներ՝ փոքր, մեծ, թելեր, ժապավեններ, ամրակներ:

Ժապավենով կատարելու դեպքում երեխային սովորեցնում ենք կապ գցել երկու ժապավենները: Սկզբում մանկավարժն ինքն է կատարում գործողությունները, այնուհետև առաջարկում երեխային անել: Նույնը կատարում ենք նաև կոճակների դեպքում: Կարևոր է, որ հմտությունը ձևավորելուց հետո, երեխային առաջարկենք փորձել սովորածը ընկերոջ և իր սեփական հագուստի վրա [11]:

**🌈 Գիդակտիկ խաղի կիրառվող օրինակներ**



**Նկար 1**



**Նկար 2**



**Նկար 3**



**Նկար 4**



**Նկար 5**

*Իրականացվել է ավագ խմբում, սկզբում դաստիարակի օգնությամբ, այնուհետև ինքնուրույն, ձևավորելով սաների մոտ համապատասխան հմտություն: Խաղը զարգացնում է նուրբ շարժումների մոտորիկան, տրամաբանությունը, ուշադրությունը, հիշողությունը՝ քանի որ այն պահանջում է նաև գործողության կրկնություն: Սաները մեծ հանույքով մասնակցեցին խաղին, դրսևորեցին հետաքրքրություն և ձեռք բերեցին փորձ տարբեր իրավիճակներում, հետագա գործողություններին ավելի հեշտ մասնակից դառնալու համար:*

**Հետևարար.**

- Կարևոր է խրախուսենք երեխայի հասակակիցների հետ խաղերը, համակարգչային խաղերի փոխարեն,
- Երեխայի համար ապահովել խաղային միջավայր և շփման, հաղորդակցման նպաստավոր պայմաններ
- Ուշադրություն դարձնել, որ խաղը համապատասխանի երեխայի տարիքային նորմին
- Խրախուսել երեխայի ազատ ստեղծագործելու, ինքնարտահայտվելու ունակությունը

## ԵԶՐԱԿԱՑՈՒԹՅՈՒՆ

Այսպիսով, նախադպրոցականի խաղային գործունեության միջոցով իրականացվում են հետևյալ հիմնական խնդիրները.

- ✓ Նպաստում է յուրաքանչյուր երեխայի անհատական առանձնահատկությունների բացահայտմանը:
- ✓ Որպես իմացական գործունեություն՝ նպաստում է աշխարհաճանաչմանը,
- ✓ Խաղի ընթացքում դրսևորվում են երեխայի հակումներն ու հետաքրքրությունները:
- ✓ Չարզանում են հոգեկան գործընթացները,
- ✓ Ստեղծվում են ինքնաարտահայտվելու հնարավորություններ,
- ✓ Չարզանում են բարոյականային որակների և հուզագգացմունքային ոլորտը:
- ✓ Խաղային գործունեությունը հարստացնում է երեխաներին ընդհանրապես նոր տպավորություններով, գիտելիքներով, հմտություններով,
- ✓ Ձևավորում է երկխոսական, հուզականորեն հարուստ խոսք, ակտիվացնում բառապաշարը,
- ✓ Նպաստում է յուրաքանչյուր երեխայի բարոյական և գեղագիտական դաստիարակությանը:

Հետևաբար, ուսուցումը կազմակերպելիս պետք է հաճախ ստեղծել խաղային իրավիճակներ և հնարավորություն տալ երեխային՝ մտնելու իրենց համար հիմնական և կարևոր համարվող գործունեության ոլորտ: Չէ՞ որ խաղն առավել գրավիչ է դարձնում ուսուցումը, կենտրոնացնում երեխայի ուշադրությունը, խթանում մտածողությունը:

## ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Գյուլամիրյան Ջ. Հ., Խաղալով սովորենք:/.-Եր.: «Չանգակ-97», 2009.-80 էջ:
2. Խուղոյան Ա., Երեխաների հետ հոգեբանական աշխատանքի ուղեցույց: Մեթոդական ձեռնարկ հոգեբանների և մանկավարժների համար.- Եր.: ՎԵԼԱՍ Պրինտ ՍՊԸ., 2018.- 188 էջ:
3. Խուղոյան Ա., Խաղաթերապիա: Հոգեբանական խաղեր երեխաների և դեռահասների համար: Մեթոդական ձեռնարկ հոգեբանների և մանկավարժների համար.- Եր.: ՎԵԼԱՍ Պրինտ ՍՊԸ., 2021.- 188 էջ:
4. Նալչաջյան Ա.Ա., Հոգեբանության հիմունքներ: Գիրք երկրորդ/ Ա Նալչաջյան.- Երկրորդ, բարեփոխված հրատարակություն. -Եր.: Բուկինիստ, 2016, 544 էջ:
5. Բարդ իրավիճակների պարզ լուծումներ/Ա. Ավագյան, Լ. Բարսյան, Մ. Հովհաննիսյան, Թ. Մակարյան, Ա. Մանուկյան, Մ. Մարության, Ս. Պետրոսյան.- Եր.: ՏՊԱՐԱՆ.ԷՅԵՄ, 2020.-132 էջ:
6. Խաղանք և սովորենք / Հեղինակներ՝ Սոֆիա Հովսեփյան, Լուսինե Աբրահամյան, Մարուսյա Բազինյան, Նաիրա Մխիթարյան, Էմիլիա Սարգսյան, Հեղինե Ռևազյան, Նաիրա Ավետիսյան / կազմ.հրատ. նախապատրաստեց՝ Ս. Հովսեփյանը.- Եր.: Արմավ, 2016.-120 էջ:
7. Հոգեբանական խաղեր և վարժություններ: Ձեռնարկ դաստիարակների, մանկավարժների և հոգեբանների համար / Կազմ.՝ Թ. Հարությունյան, Հ. Կարապետյան, Ա. Ենգիբարյան, Մասնագիտական խմբագիր՝ Ռ. Ստեփանյան.- Եր.: Ասողիկ, 2014.-144 էջ:
8. Նախադպրոցական մանկավարժություն. Է.Ա.Ալեքսանդրյանի խմբագրությամբ. - Երևան, 1992
9. Кэдьюсон Х., Шефер Ч. Практикум по игровой психотерапии. — СПб.: Питер, 2001. — 416 с: ил. — (Серия «Практикум по психологии»).
10. [http://anikhudoyan.ucoz.net/publ/hogebanakan\\_tester\\_erehaneri\\_hamar/7-2](http://anikhudoyan.ucoz.net/publ/hogebanakan_tester_erehaneri_hamar/7-2)
11. [https://www.koob.ru/motessori\\_maria/montessori\\_material](https://www.koob.ru/motessori_maria/montessori_material)